

# amserbeibl

Storiâu o'r Beibl – Safon I

Cofiwch roi eich enw a'ch cyfeiriad yma.

Oed \_\_\_\_\_ Dyddiad geni \_\_\_\_\_

Enw \_\_\_\_\_

Cyfeiriad \_\_\_\_\_

Enw Arweinydd y Dosbarth \_\_\_\_\_



Lliwiwch y lluniau yn y storiâu hyn

Cofiwch mai un llythyren yw ch, dd, ff, ng, ll, ph, rh, th

## Stori I Steffan yn marw dros yr Arglwydd Iesu.



**DARLLENWCH**  
Actau 6: 8-15 7: 54-60

*Mae'r stori hon  
yn sôn am:*

**Cariad mawr  
Steffan tuag at yr  
Arglwydd Iesu.**

Dyn da oedd Steffan ac roedd yn gwasanaethu'r Arglwydd Iesu drwy helpu pobl dlawd.

Byddai Steffan yn aml yn pregethu am Iesu. Doedd rhai pobl ddim yn credu ei eiriau. Dechreuon nhw ddweud celwyddau am Steffan.

Dyma nhw'n mynd mor flin nes iddyn nhw ei lusgo y tu allan i'r ddinas a dechrau taflu cerrig mawr ato.

Doedd dim ofn ar Steffan. Gadawodd Duw iddo edrych i mewn i'r Nefoedd ac yno gwelodd yr Arglwydd Iesu.

**Pwy welodd Steffan yn y Nefoedd? Yr A\_\_\_\_\_ I\_\_\_\_\_.**

Gofynnodd Steffan i'r Arglwydd Iesu faddau i'w elynion. Yna buodd farw mewn heddwch.

Roedd Steffan yn caru'r Arglwydd Iesu yn fawr iawn achos roedd Ef wedi marw ar y groes drosto. Nawr, roedd Steffan yn barod i farw dros Iesu Grist.

**Lliwiwch y geiriau hyn a'r llun.**

“Yr ydym ni'n  
caru am Iddo Ef yn gyntaf  
ein caru ni.”

I Ioan 4: 19





DARLLENWCH  
Actau 8: 26-40

Mae'r stori hon  
yn sôn am:

**Dyn o Affrica yn  
credu yn yr  
Arglwydd Iesu.**

## Stori 2 Philip yn rhannu'r newyddion da.

Lle sych a phoeth iawn yw anialwch – nid y math o le y bydd pobl yn byw ynddo!

Un diwrnod, dywedodd angel wrth weinidog o'r enw Philip am fynd ar daith i'r anialwch. Ufuddhaodd Philip ar unwaith. Pan gyrhaeddodd yr anialwch, daeth ar draws dyn pwysig oedd ar ei ffordd adref i Affrica.

Clywodd Philip y dyn yn darllen o'r Beibl! Doedd e ddim yn deall beth roedd e'n ei ddarllen, felly aeth Philip i mewn ato i'r cerbyd ac esboniodd mai sôn am yr Arglwydd Iesu roedd y geiriau.

Sylweddolodd y dyn yn fuan bod angen iddo fe hefyd ymddiried yn yr Arglwydd Iesu. Heb oedi am eiliad, credodd a maddeuwyd ei bechodau. Yna, aeth adref yn gorfoleddu.  
**Lliwiwch y geiriau hyn a'r llun.**



**Dywedodd Philip y**

newyddion

da am Iesu wrth y dyn.

**Beth ddigwyddodd i'r dyn ar ôl i Philip ddweud y newyddion da wrtho?**

Credodd yn yr Arglwydd I \_\_\_\_\_ a maddeuwyd  
ei b \_\_\_\_\_.



DARLLENWCH  
Actau 9: 1-9

Mae'r stori hon  
yn sôn am:

**Gallu Duw i  
newid bywydau.**

### Stori 3 Saul a golau llachar!

Roedd Saul yn casáu Iesu Grist!  
Doedd e ddim yn credu mai Iesu  
oedd Mab Duw. Dechreuodd wneud  
niwed i'r bobl oedd yn caru Iesu.  
Un diwrnod, roedd Saul yn mynd i  
ddinas o'r enw Damascus i chwilio  
am Gristnogion a'u taflu i garchar.

Wrth i Saul a'i ffrindiau gerdded ar  
hyd y ffordd, ymddangosodd fflach o  
olau llachar iawn yn yr awyr.  
Syrthiodd Saul i'r llawr!

Yna, digwyddodd rhywbeth  
rhyfeddol. Siaradodd yr Arglwydd  
Iesu â Saul o'r Nefoedd! Roedd Saul  
yn gwybod fod Iesu Grist yn Fab  
Duw a'i fod e, Saul, wedi gwneud  
llawer o bethau drwg yn erbyn Iesu.

Roedd gwir angen newid ei fywyd!

Dyma'r diwrnod pwysicaf ym  
mywyd Saul oherwydd daeth i gredu  
yn yr Arglwydd Iesu ac ufuddhau Iddo.



**Rhowch ✓ neu X wrth ymyl y brawddegau hyn.**

Roedd Saul yn casáu Iesu Grist. \_\_\_\_\_

Roedd Saul yn helpu pobl oedd yn caru'r Arglwydd Iesu. \_\_\_\_\_

Siaradodd Iesu â Saul. \_\_\_\_\_

Dywedodd yr Arglwydd Iesu wrth Saul am fynd i mewn i ddinas  
Damascus. Cafodd help gan ei ffrindiau oherwydd roedd e wedi mynd  
yn ddall. Rydym ni i gyd yn bechaduriaid ac yn gwneud pethau drwg.  
Dim ond yr Arglwydd Iesu all gymryd ein pechod oddi arnom. Dim  
ond Ef sy'n gallu rhoi i ni'r nerth i fyw bywyd newydd. Bydd Ef yn ein  
helpu i wneud yr hyn sy'n iawn bob dydd, os byddwn ni, fel Saul, yn  
credu Ynddo ac yn ufuddhau Iddo.



**DARLLENWCH**  
Actau 9: 10-23

*Mae'r stori hon  
yn sôn am:*

**Sut y defnyddiodd  
Duw Saul i ddweud  
wrth eraill.**

## Stori 4 Saul yn dod yn ddyn newydd.

Roedd Saul wedi bod yn  
Namascus am dri diwrnod.

Anfonodd yr Arglwydd ddyn o'r  
enw Ananias i weld Saul. Roedd ar  
Ananias ofn mynd i weld Saul.

Gwyddai mor greulon roedd Saul  
wedi bod wrth y bobl oedd yn  
caru Iesu Grist.

Ond roedd Saul yn ddyn gwahanol  
iawn erbyn hyn! Roedd Saul hefyd  
yn caru'r Arglwydd Iesu.

Gosododd Ananias ei ddwylo arno  
a chafodd Saul ei olwg yn ôl.

Esboniodd Ananias bod gan Dduw waith arbennig i Saul – pregethu am yr  
Arglwydd Iesu wrth bobl oedd heb glywed amdano Ef o'r blaen.

**Pwy ddaeth i weld Saul?**

**A** \_\_\_\_\_.

Cyn hir, dyma Saul yn cwrdd â phobl eraill oedd yn ddilynwyr Iesu Grist.  
Roedden nhw hefyd yn rhyfeddu gymaint roedd Saul wedi newid.  
Dechreuodd Saul bregethu am yr Arglwydd Iesu.

**Lliwiwch y geiriau islaw. Maen nhw'n dweud wrthon ni beth  
oedd neges Saul.**

“Iesu yw Mab  
Duw.”

10

Marciau  
(i'w nodi gan yr arweinydd)

---



---



---



---



---

Cyfanswm

Cyfanswm Llawn

Cyhoeddwyd yn wreiddiol yn Saesneg gan: © Bible Educational Services, P.O. Box 42, Penarth, CF64 3YD.

Y gwersi ar gael i'w lawrlwytho yn rhad ac am ddim ar [www.biblelinkit.com](http://www.biblelinkit.com) neu ffoniwch 01202 873500 am fwy o wybodaeth. Rhif elusen 1096157

Cyhoeddir y gwersi Cymraeg gan © 2008 Pwyllgor Amserbeibl Cymru.

Addasiadau Cymraeg gan Siân Roberts a Linda Lockley. Golygwyd gan Siân Roberts. Cysodwyd gan Ynyr Roberts.  
Cyfres lawn o wersi dros dair blynedd i rai 4-15 oed ar gael i'w lawrlwytho yn rhad ac am ddim o [www.amserbeibl.org](http://www.amserbeibl.org)

Am fanylion pellach neu i gyfrannu at y gwaith (rhoddion yn daladwy i 'Amserbeibl') cysylltwch ag:  
Aled Davies, Cyngor Ysgolion Sul, Ael y Bryn, Chwillog, Pwllheli, Gwynedd LL53 6SH ☎ 01766 819120